

ხელშეკრულება სახელმწიფო შესყიდვის შესახებ №14

ქ. თბილისი

18 იანვარი, 2024 წელი

ერთი მხრივ, სპეციალური საგამომიებო სამსახური (შემდგომში - „შემსყიდველი“), წარმოდგენილი ეკონომიკური დეპარტამენტის უფროსის მოადგილის გიორგი დევიძის სახით და მეორე მხრივ, შპს „ორიენტ ლოჯიკი“ (შემდგომში - „მიმწოდებელი“), წარმოდგენილი დირექტორის ალექსანდრე ბაგრატიას სახით, ერთად წოდებულნი როგორც „მხარეები“, საქართველოში მოქმედი კანონმდებლობის შესაბამისად ვდებთ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების (შესყიდვის) საგანი/ობიექტი, შესყიდვის საშუალება, ხელშეკრულების ღირებულება და ხელშეკრულების მოქმედების ვადა

1.1 ხელშეკრულების საგანი: სპეციალური საგამომიებო სამსახურის საკუთრებაში არსებული ქსელური ინფრასტრუქტურისთვის პროგრამული უზრუნველყოფის პაკეტის ლიცენზიების სახელმწიფო შესყიდვა, წინამდებარე ხელშეკრულების დანართი №1-ის შესაბამისად.

1.2 შესყიდვის ობიექტის რაოდენობა: ინფორმაცია შესყიდვის ობიექტის რაოდენობების შესახებ მოცემულია წინამდებარე ხელშეკრულების დანართი №1-ში.

1.3 შესყიდვის საშუალება: ელექტრონული ტენდერი (აუქციონის გარეშე), განცხადების ნომერი: NAT230027628.

1.4 ხელშეკრულების საერთო ღირებულება შეადგენს 36 100.00 (ოცდათექვსმეტი ათას ასი) ლარს, საქართველოს კანონმდებლობით გათვალისწინებული ყველა გადასახადის ჩათვლით, წინამდებარე ხელშეკრულების დანართი №1-ის შესაბამისად.

1.5 კლასიფიკატორის კოდი: CPV – 48730000 - დაცვის პროგრამული პაკეტები.

1.6 ხელშეკრულების მოქმედების ვადა: ხელშეკრულება ძალაშია 2024 წლის 18 იანვრიდან 2025 წლის 31 მარტის ჩათვლით.

2. შესყიდვის ობიექტის მიწოდების პირობები, ვადა და ადგილი

2.1 შესყიდვის ობიექტის მიწოდების ვადა: ხელშეკრულების ძალაში შესვლიდან არაუგვიანეს 15 (თხუთხმეტი) კალენდარული დღე.

2.2 შესყიდვის ობიექტის მიწოდების ადგილი: ქ. თბილისი, მ. ასათიანის ქ. №9, შემსყიდველის ადმინისტრაციული შენობა.

3. შესყიდვის ობიექტის ხარისხი

3.1 მიმწოდებელი იღებს ვალდებულებას, რომ მიწოდებული შესყიდვის ობიექტის ხარისხი შესაბამისობაში იქნება წინამდებარე ხელშეკრულებასთან და დააკმაყოფილებს შემსყიდველის მოთხოვნებს.

4. ხელშეკრულების შესრულების კონტროლი (ინსპექტირება)

4.1 შემსყიდველი ახორციელებს ხელშეკრულებით გათვალისწინებული პირობების შესრულების კონტროლს.

4.2 მიმწოდებელი ვალდებულია, საკუთარი რესურსებით უზრუნველყოს ხელშეკრულების პირობების შესრულების კონტროლის (ინსპექტირების) განხორციელებისათვის აუცილებელი

პერსონალისა და ტექნიკური საშუალებების გამოყოფა, ასევე, უზრუნველყოს საჭირო სამუშაო პირობები.

4.3 მიმწოდებელი ვალდებულია, საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

4.4 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს სპეციალური საგამოძიებო სამსახურის ინფორმაციული ტექნოლოგიების დეპარტამენტის უფროსი.

5. შესყიდვის ობიექტის მიღება-ჩაბარების წესი

5.1 შესყიდვის ობიექტი ჩაითვლება მიღებულად, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმების საფუძველზე.

5.2 შემსყიდველის მხრიდან მიღება-ჩაბარების აქტის გაფორმებაზე უფლებამოსილ პირს წარმოადგენს წინამდებარე ხელშეკრულების 4.4 პუნქტში მითითებული პირი.

5.3 მიღება-ჩაბარების აქტების გაფორმების პარალელურად, მიმწოდებელი ვალდებულია, წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

6. ანგარიშსწორება და ანგარიშსწორების ვალუტა

6.1 ანგარიშსწორება მოხდება უნაღდო ანგარიშსწორებით - ლარში.

6.2 ანგარიშსწორება განხორციელდება 2024 წლის ბიუჯეტის სახსრებით, მიღება-ჩაბარების აქტის გაფორმებიდან და საგადასახადო დოკუმენტაციის წარმოდგენიდან 10 (ათი) სამუშაო დღის განმავლობაში.

6.3 საავანსო ანგარიშსწორება არ გამოიყენება.

7. ხელშეკრულების პირობების შეუსრულებლობა

(პირგასამტეხლო, ფორმა, ოდენობა და გადახდის ვადები)

7.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება პირგასამტეხლო.

7.2 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (გარდა შესრულების ვადის დარღვევისა) შემთხვევაში, მიმწოდებელს დაეკისრება პირგასამტეხლოს გადახდა ყოველი დარღვევისთვის ხელშეკრულების ღირებულების 0,02%-ის ოდენობით.

7.3 ხელშეკრულებით ნაკისრი ვალდებულებების შესრულების ვადის გადაცილებისათვის, დამრღვევ მხარეს დაეკისრება პირგასამტეხლოს გადახდა ყოველ გადაგადაცილებულ დღეზე, ხელშეკრულების ღირებულების 0,02%-ის ოდენობით.

7.4 თუ ხელშეკრულების შეწყვეტა გამოწვეულია მიმწოდებლის ბრალეული ქმედებით, მიმწოდებელს დაეკისრება ჯარიმა ხელშეკრულების საერთო ღირებულების 5%-ის ოდენობით.

7.5 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

8. ხელშეკრულების შეწყვეტა

8.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს

გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

8.2 ხელშეკრულების დამდები მხარე 8.1 პუნქტით გათვალისწინებულ შემთხვევაში ვალდებულია შეატყობინოს მეორე მხარეს მიღებული გადაწყვეტილების შესახებ, მისი მიღების საფუძველი და ამოქმედების თარიღი.

8.3 ხელშეკრულების შეწყვეტისას, მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

8.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

8.5 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის, შემდეგ შემთხვევებში:

ა) მიმწოდებლის მიერ ხელშეკრულებით ნაკისრი ვალდებულებების ორჯერ დარღვევის შემთხვევაში;

ბ) მიწოდების ვადის, ასევე, ხელშეკრულებით ნაკისრი სხვა ვალდებულებისათვის განსაზღვრული ვად(ებ)ის 10 კალენდარულ დღეზე მეტი ვადით გადაცილების შემთხვევაში;

გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) საქართველოს კანონმდებლობით გათვალისწინებულ სხვა შემთხვევებში, მათ შორის, მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

8.6 ამ მუხლის 8.5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიწოდებული შესყიდვის ობიექტის (გაფორმებული მიღება-ჩაბარების აქტის შესაბამისად) ღირებულება.

8.7 ხელშეკრულება შეიძლება შეწყდეს მხარეთა შეთანხმებით, წერილობითი სახით.

9. ფორს-მაჟორი

9.1 ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყრების ჩამოწოლა, ეპიდემია, წყალდიდობა და სხვა მსგავსი მოვლენები, რომლებიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორს-მაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული. ამ დროს მხარეებს შორის ხელშეკრულების შესაბამისად გადასახდელ თანხაზე ფორს-მაჟორის შემთხვევაში გათვალისწინებული შეღავათები არ ვრცელდება.

9.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების

შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

9.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

10. ხელშეკრულებაში ცვლილებების შეტანა

10.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2 ხელშეკრულების პირობების ნებისმიერი ცვლილება უნდა გაფორმდეს წერილობით - მხარეთა შეთანხმების სახით. მხარეთა წერილობითი შეთანხმება ხელშეკრულებაში ცვლილების შეტანის თაობაზე, ჩაითვლება ხელშეკრულების განუყოფელ ნაწილად.

11. ღირებულება

11.1 მიმწოდებლის მიერ შემოთავაზებული შესასრულებელი ვალდებულების ფასი წარმოადგენს ხელშეკრულების ღირებულებას.

11.2 მხარეთა შეთანხმებით დასაშვებია ხელშეკრულების ღირებულების შეცვლა.

11.3 ხელშეკრულების ღირებულების პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

11.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

11.5 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

12. ურთიერთობა ხელშეკრულების დამდებ მხარეებს შორის

12.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა წარმოებდეს წერილობითი ფორმით. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება ფოსტის ან/და ელექტრონული ფოსტის მეშვეობით.

12.2 ამ მუხლის 12.1 პუნქტით მიღებული შეტყობინება ძალაში შედის ადრესატის მიერ მისი მიღების დღეს.

13. სადავო საკითხების გადაწყვეტა

13.1 ხელშეკრულების ან მასთან დაკავშირებული საკითხების ირგვლივ წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით, ხოლო ასეთის

მიუღწევლობის შემთხვევაში, დავა გადაწყდება მოქმედი კანონმდებლობის შესაბამისად საქართველოს სასამართლოს მიერ.

13.2 ხელშეკრულება დადებულია საქართველოს კანონმდებლობის შესაბამისად.

14. სხვა პირობები

14.1 ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.2 საკითხები, რომლებიც არ არის გათვალისწინებული აღნიშნული ხელშეკრულებით, რეგულირდება საქართველოს კანონმდებლობით.

14.3 ხელშეკრულება შედგენილია ქართულ ენაზე, ელექტრონულად და დადასტურებულია კვალიფიციური ელექტრონული ხელმოწერით ან/და ელექტრონული შტამპით.

15. მხარეთა იურიდიული რეკვიზიტები

„შემსყიდველი“	„მიმწოდებელი“
სპეციალური საგამომიებო სამსახური	შპს „ორიენტ ლოჯიკი“
საიდენტიფიკაციო კოდი: 205510142 მისამართი: ქ. თბილისი, მ. ასათიანის ქ. №9 საბანკო რეკვიზიტები: სახელმწიფო ხაზინა კოდი: TRESGE22 ა/ა GE24NB0330100200165022 ტელ: 2121402 ელ-ფოსტა: bsajaia@sis.gov.ge	საიდენტიფიკაციო კოდი: 202052054 მისამართი: ქ. თბილისი, ვ. გომიშვილის ქ. №71 საბანკო რეკვიზიტები: სს „ბაზის ბანკი“ ბანკის კოდი: CBASGE22 ა/ა: GE96BS0000000005936872 ტელ: 2541818 ელ-ფოსტა: tenders@ol.ge
ეკონომიკური დეპარტამენტის უფროსის მოადგილე	დირექტორი
გიორგი დევიძე	ალექსანდრე ბაგრატია

ფასების ცხრილი

№	შესყიდვის ობიექტის დასახელება	მინიმალური ტექნიკური მახასიათებლები	რაოდენობა	ერთეულის ღირებულება (ლარი)	საერთო ღირებულება (ლარი)
1	არსებული FortiGate-201F - თვის მხარდაჭერის, გარანტიის და პროგრამული სერვისების განახლება	პროგრამული სერვისები: აქტიური 1 წლით: - IPS სერვისი - მავნელებისგან დაცვა (Anti-Malware Protection) - URL და DNS ფილტრაციის სერვისი - ანტი-სპამ Service - აპლიკაციის კონტროლის სერვისი - ანტივირუსი - ბოტნეტისგან დაცულობა - Sandbox ქლაუდ სერვისი მწარმოებლის გარანტია და მხარდაჭერა: ტექნიკაზე ვრცელდება მწარმოებლის ერთ წლიანი საგარანტიო მომსახურება, 24/7 ტექნიკური მხარდაჭერა და პროგრამული უზრუნველყოფის განახლება. დაზიანების შემთხვევაში, მიმწოდებელი უზრუნველყოფს მწარმოებლის მიერ შემცვლელი მოწყობილობის დაუყოვნებლივ გამოგზავნას.	2	12940	25880.00
2	არსებული FortiGate-40F - თვის მხარდაჭერის და გარანტიის განახლება	მწარმოებლის გარანტია და მხარდაჭერა: ტექნიკაზე ვრცელდება მწარმოებლის ერთ წლიანი საგარანტიო მომსახურება, 24/7 ტექნიკური მხარდაჭერა და პროგრამული უზრუნველყოფის განახლება. დაზიანების შემთხვევაში, მიმწოდებელი უზრუნველყოფს მწარმოებლის მიერ შემცვლელი მოწყობილობის დაუყოვნებლივ გამოგზავნას.	3	340	1020.00
3	არსებული FortiManager - VM (1 - 10 devices/Virtual Domains) - თვის თვის მხარდაჭერის და გარანტიის განახლება	მწარმოებლის გარანტია და მხარდაჭერა: ერთ წლიანი საგარანტიო მომსახურება, 24/7 ტექნიკური მხარდაჭერა და პროგრამული უზრუნველყოფის განახლება	1	1570	1570.00
4	არსებული FortiSwitch FS-524D - თვის მხარდაჭერის და გარანტიის განახლება	მწარმოებლის გარანტია და მხარდაჭერა: ტექნიკაზე ვრცელდება მწარმოებლის ერთ წლიანი საგარანტიო მომსახურება, 24/7 ტექნიკური მხარდაჭერა და პროგრამული უზრუნველყოფის განახლება. დაზიანების შემთხვევაში, მიმწოდებელი უზრუნველყოფს მწარმოებლის მიერ შემცვლელი მოწყობილობის დაუყოვნებლივ გამოგზავნას.	2	1150	2300.00

5	არსებული FortiSwitch-148F-FPOE - თვის მხარდაჭერის და გარანტიის განახლება	მწარმოებლის გარანტია და მხარდაჭერა: ტექნიკაზე ვრცელდება მწარმოებლის ერთ წლიანი საგარანტიო მომსახურება, 24/7 ტექნიკური მხარდაჭერა და პროგრამული უზრუნველყოფის განახლება. დაზიანების შემთხვევაში, მიმწოდებელი უზრუნველყოფს მწარმოებლის მიერ შემცვლელი მოწყობილობის დაუყოვნებლივ გამოგზავნას.	5	730	3650.00
6	არსებული FortiAP-221E- თვის მხარდაჭერის და გარანტიის განახლება	მწარმოებლის გარანტია და მხარდაჭერა: ტექნიკაზე ვრცელდება მწარმოებლის ერთ წლიანი საგარანტიო მომსახურება, 24/7 ტექნიკური მხარდაჭერა და პროგრამული უზრუნველყოფის განახლება. დაზიანების შემთხვევაში, მიმწოდებელი უზრუნველყოფს მწარმოებლის მიერ შემცვლელი მოწყობილობის დაუყოვნებლივ გამოგზავნას.	12	140	1680.00
	სულ ჯამი:				36100.00

შენიშვნა:

მომსახურების ხარჯთაღრიცხვის წარმოდგენლობა ან განუფასებელი მომსახურების ხარჯთაღრიცხვის წარმოდგენა დაზუსტებას არ დაექვემდებარება და გამოიწვევს პრეტენდენტის დისკვალიფიკაციას.

სატენდერო წინადადების ფასი უნდა მოიცავდეს შესყიდვის ობიექტის მიწოდებასთან დაკავშირებით მიმწოდებლის ყველა ხარჯს და გადასახადს.